

北京大學圖書館藏善本

定陵註略

明文彙編

北京大學圖書館藏善本

定陵註略

明文秉撰

定陵註略小叙

昔宋神宗具大有為之志特拔金陵於政府謂唐虞可坐致也顧金陵好執偏見喜人佞己以爭新法不合魏公鄭公涑水眉山諸賢相繼罷逐而呂惠卿曾公亮韓絳鄧綰之徒皆得進用有宋之業遂衰哲宗嗣統前此者為元祐之政衆正彙征羣奸屏跡天下翕然稱至治焉惜也包荒不聞闕牆示陳遂有維黨蜀黨朔黨之目迨楊畏首叛大防曾布請紹舊政於是章惇蔡卞等巨奸登庸是為紹聖之政一時正人掃除殆盡且也同文之獄禍延子孫宣仁之恨釋臧孟后以哲宗一人之身前後若兩截焉卒召靖康丙午之禍大明神宗聰英天縱學問夙成誠不世出之令主也太倉當國不能以欲從人而顧以人從欲首逐虞山高邑諸公而比昵劉道隆楊應宿等水火相激玄黃競起馴至末年亦有東林宣黨崑黨之目

熹宗踐祚

南昌漢陽夾輔於前福清蒲州襄贊於後天下亦翕然望至治焉迨應
 山獠虎將鬚南樂教揉升木從是黨禍颺發勢同燎原維時告密之
 訐奏朝入北司之爰書夕具屠僇元老草刈忠良最後佐命之名潛
 列厚載弓蛇之疑直逼母后雖懿安幸獲無恙而太原竟從片
 草以

熹宗一人之身亦前後若兩截焉卒召

烈皇甲申之

禍合兩朝觀之其行事蓋無弗相肖者而皆自不好善之輔臣釀之
 嗚呼輔臣之所繫顧不重哉寒冢遺書不薄寄托非人悉皆沉沒山
 居多暇轉就友人處借神宗邸報抄畧閱之忝以家庭見聞因
 妄以己意竊為編集首紀

聖明尊君也次

壺範表懿德也

次壽宮見俯察之宜慎也次新鄭傷國體也次江陵戒專權也
 次科場即實以魏李二公之譴責志黨禍之萌也其他政治之得失
 地方之蠢動咸具本末俾覽者炯然所以昭止水之鑑凜馭朽之訓

也至於人才進退之際尤三致意焉以見大明門戶淵源如此門戶之能亡國敗家如此後之謀國者取鑒乎此痛抑受憎之私力消左右之袒米民譽以公任使課實蹟以施殿最庶幾可長無事乎若寧播之役則有茅光祿三大征考在不復贅述

竺塢遺民文東書於南雲菴

定陵註畧目錄

一卷

聖明天縱

慈聖壺範

壽宮始末

新鄭去國

江陵擅政

江陵奪情

江陵覆車

科場黷緣

二卷

建言諸臣

大臣黨比

三卷

癸巳大計

虞山絕婚

錫山譴逐

特旨處分

乙未外計

乙巳大計

四卷

礦稅諸使

內庫進奉

定陵註畧目錄

五卷

忤奄諸臣

地方激變

六卷

楚獄始末

代府易儲

福王之國

七卷

杭州

兵變民變

鄖陽兵變

南京妖民

太倉儒變

安龐始末

武定獻印

湖州民變

吳門坑儒

崑山民變

松江民變

附

附錢若魯凌漢中二獄

八卷

晉江爰立

太倉密揭

丁未考選

會稽

附

九卷

淮撫始末

錫山附

辛亥大計

庚戌科場

荆熊分袒

十卷


門戶分爭

丙辰假元

丁巳大計

定陵註畧卷之一

聖明天縱



神廟初年有咏月詩云團圓一輪月清光何皎潔惟有聖人心可以喻澄徹時僅十餘齡也

神廟書法初摹趙松雪後好章草文華殿有匾曰學二帝三王治天下大經大法者上御筆也萬曆二年三月時當日講畢

面諭輔臣張居正等曰朕欲賜先生等各大書一幅以寓期勉之意先生可於二十五日來看是日居正等謁文華殿後見諸奄捧泥箋十餘幅上縱筆如飛大書宅揆保衡同心夾輔各一幅正己率屬九幅責難陳善九幅字皆踰尺頃刻揮就分賜居正等

江陵既沒南京給事中阮子孝論其子張懋修敬修及王篆子王之鼎之衡貢緣科場乞賜究處輔臣張四維揭救居正諸子所習舉業定陵註畧卷一

俱可進取與在前翟鸞二子不同居正二子在翰林者調用在部屬者炤舊王篆二子宜覆試

上不從手批子孝疏張懋修等并王之鼎王之衡都着革了職為民其諸子不論進取公私都一体斥退

翟鸞二子登第俱革職為民并罷諸考官

祭酒范應期以不職為御史徐申所劾

上傳諭內閣范應期係何人所薦該追論首輔申時行揭言本官出自翰林臣等炤資題叙原無薦舉之人有

旨范應期着致仕今後起用薦舉的官還着該部推好的用不必以資俸品級為說又給事中陳璧疏論南京兵部侍郎劉庠不職

上傳諭內閣劉庠既這等不好吏部如何推他時行等又以人才難知言官風聞言事為解乃奉

旨該部詳看具奏

十三年夏大旱

上徒步詣郊壇禱雨行禮畢召見三輔臣及九卿

諭曰天時亢旱雖緣朕之不德所致亦因天下有司貪贓壞法剝害小民故爾上千天和今後還着該部慎加選用

陝西巡撫趙可懷疏報虜引兵過河侵犯內地

上召輔臣申時行於皇極門

諭曰番人也是朕之赤子番人地方都是祖宗開拓的封疆督撫官

奉勅書受朝廷委托平日所幹何事既不能預先整理防範到虜西過河侵犯纔來奏報可見邊備廢弛

皇祖時各邊有事督撫官都拿問重處朝廷自有法度又曰近時督撫等官閑嘗將將官輕賤凌虐牽制掣肘不得展布有事却纔用他且

如各邊但有些功勞督撫官有陞有賞都認作自己的功及至失事便推與將官時行對督撫只是督率調度若臨戰定用武官

上曰古時文臣諸葛亮杜預都能將兵立功何必定是武官時行對以將材難得

上曰重賞之下必有勇夫要好的也有只是不善用他雖關張之勇也不濟事前有御史薦兩個將官時行對一個是王化顯是中材一個是尹秉衡如今老了

上曰趙充國也是老將只要有謀勇又曰卿等是朕股肱用心為朕分理如今邊備廢弛不止陝西時行對款貢二十年來各邊保全生靈何止百萬

上曰款貢亦不可以恃若專務媚虜使之心驕豈有饜足之時須是自家修整武備保守封疆云云時行承

旨而退

上孝奉

聖母備極色養特設四齋近侍二百餘人演習戲曲每遇

聖母陞座即承應焉先是

仁聖存日凡遇令節恭請於乾清宮大

殿陞座

上候

仁聖轎至景運門

慈聖轎至隆宗門即長跪奉

迎候轎至乾清門乃起

孝端扶持

仁聖鄭貴妃扶持

慈聖

上進酒奉膳下氣怡聲古來帝王之孝所希有也又設玉熙宮近侍

二百餘人則專以承應

聖駕者

吉水鄒元標具疏乞休有

旨下部太倉語選郎曰

皇上遣中使持鄒疏至閣傳

諭着放他去時無錫願憲成在事竟覆

留任意必奉

嚴旨已而竟報可

定陵註畧

卷一

御史江東之以論 壽宮事被譴已數年矣雖推轂甚殷而外廷皆謂 聖怒方新未敢遽登啟事願憲成為選郎題陞光祿寺少卿上親書江東之起陞光祿寺少卿東陽許弘綱時為吏科長見而異之故事惟大九卿親書此 特筆也 上之無成心如此

李敬妃薨

上傳諭內閣敬妃奉侍勞久俾葬近大峪山閣臣奏前無故事不敢奉詔 上傳問 成祖八妃皆葬何處閣臣一時愕然不能置對

上簡遺制令傳示內閣八妃皆近 長陵三里以內諸閣臣惶恐謝罪以後一切章奏俱不發閣票擬諸閣臣皆引罪求罷上降諭慰留仍發票擬

朝鮮冊封之議雖出本兵石星而南昌實主其議擬遣一御史往而臺中公行抗護莫有應

詔者曹學程至露章諍止

上大怒特置重典幾即處決三十四年熟審大璫陳矩蒞事審錄至學
程刑部署部事右侍郎范應文等咸以為請陳矩即代奏曰原任御
史曹學程為東事妄言得罪監候十年悔改無及豈敢惜死惟是原
籍廣西有老母九十餘歲晝夜憂思患病沉重若遂以憂死程不得
一面永訣忠孝兩失雖死九泉不成人類望乞

聖恩普賜赦宥以全母子二命

上覽而哀之遂奉

旨曹學程准改充軍終身

上御體充厚殊艱步履故晚年臨御絕響而事聖母極孝特製一駟輦
規度精巧轉折如意凡朝聖母即用之

薊鎮總兵王國棟巡邊夜過昌平其標下夷丁擅折民間籬落燃火
定陵註畧 卷一

禦寒火光燭天遠近訛言虜至京師城門盡閉

上傳諭若果係虜警兵部豈無塘報此必訛傳著地方官曉諭小民各安生理既而知果訛也

太監史賓者能書

上欲陞為東筆鄭貴妃從旁贊揚之

上疑其從貴妃處鑽刺遂借他事降謫南京數年後取回管事一日偶有密旨發閣適史賓輪直遂貴之以往及回奏

上謂其夤緣私往閣中益怒甚復謫調南京先廟登極始取回

上晚年章奏俱行留中直以為不煩批發也一日侍慈聖言及之乃將十二年以內奏疏盡行批發一夕而竟時職方郎中申用懋以六年考滿部擬加太僕寺少卿仍管職方事已留中五年矣亦是始下天縱故不可及矣時丁未二月也

上雖罕臨御而待內奄極嚴若為外臣所劾奏

上呼此奄至跪而示之以疏經年不命起大璫盡籍其家以獻方准釋放故內奄誓不敢得罪外廷惟礦稅諸使例有進奉

上每姑容之

宮中舊例宮人必私配一奄謂之對食如夫婦然

上留心此弊每歲底令宮人各舉所配舉則奄處死不則宮人處死一宮人臨期無指妄指一奄出宮已數年矣逮至將就刑此奄稽首佛前曰此是前生冤孽債抵償了也完了今生公案

上聞即命赦之

丙辰 廷試南昌楊弘備善書進呈閣擬一甲第三

上忽拔晉江林鉉為第二弘備遂填二甲第一謁選得禮部主事弘備左目眇而翰林從無眇一目者 廟號神宗信哉